

علم حقوق و مقائیس قوانین مجتہد و عریضی

هر آی نشر اولتور

مؤسس و صاحبی

کرمین مبعوثی : محمد عارف

~~~~~

مندرجات

قانونتولاسیونلر : صدراعظم حق پاشا حضرتلری ، حقوقی سیاسیہ مباحثندن ،  
تحقیقات تشریعیہ : محمد عارف ، دوللو : یانیه بدایت محکمہ سی اعضاستندن یا تو  
سامی ، اوروپا حکومت حاضرہ سنک تشکیلات سیاسیہ سندن : محمد عارف ، مجلس  
مبعوثانک اوچنچی دورہ اجتماعی خلاصہ مذاکرات و مقررات

نسخہ سی : ۵ غروش

درسمادت

طنین مطبعہ سی

۱۳۲۷

## انکلتره

### ۴

## عوام قمارہ سی

عوام قمارہ سنک صورت تشکیلی ۔ وکالت ملیہ نك مدت دوامی ۔ منتخبہر ۔ دوائر انتخابیہ ۔ منتخبہر ۔ انتخابات ۔ انتخابات انسانیہ قاضی تدابیر ۔ عوام قمارہ سنک رئیس ومأمورینی ۔

عوام قمارہ سی ۶۷۰ اعضادن ترکیب ایدر ۔ بواعضانك ۴۹۵ ی انکلتره و غال قطعہ لری، ۷۲ سی اسقوجیا و ۱۰۳ ی ایرلندا ممالکی طرفندن انتخاب اولنور ۔

عوام قمارہ سی اعضاسی یدی سنہ مدتلہ انتخاب اولنور لر ویکیدن انتخاب لری ده جائزدر ۔

قرال عوام قمارہ سنی فسخ ایتمک حقنی جائزدر ۔ تعاملاً عوام قمارہ سی صوک دورہ اجتماعیه دن برسنہ اول یعنی نہایت بشنجی دورہ اجتماعیه نك ختامہ قدر فسخ اولنہ بیلیر ۔

شایان دقت وحیرت اولان جهت عوام قمارہ سی اعضالری نك وکالت ملیہ دن استعفا ایدہ مملریدر ۔ یالکز موظف بر مأموریت رسمیه یی قبول ایتدکاری زمان یکیدن اجرا اولنہ حق انتخابات نتیجہ سنہ تابع اولمق شرطیہ مبعوثلقدن ساقط اولور لر، قبول ایتدکاری مأموریت ناظرلق ویا مستشارلق دخی اولسہ یی نہ اعضالق نہایت بولنور ۔

لورد لر کی عوام قمارہ سی اعضالری ده بعض امتیازات ومعافیاتی جائز

اولدقلرندن جرم مشهودحالی مستثنا اولمق اوزره مدت اجتماع ائشانسده قاردهنك اذن وقراری اولدقجه توقیف ایديله مزله .

قاعدهٔ یكړمی بر یاشنه واصل وحقوق انتخابیهی حائز اولان هر انكلیز Citizen عوام قاردهنه اعضا انتخاب اوله ییلیر .

آئیده تعداد اولان اشخاص انتخاب اولنه ماز: انكتره تابعیتیه اذخال ایدلمش وپارلمنتونك برقرار مخصوصیه انتخاب اولمق حقنی احراز ایتهمش اولان اجنیلر؛ محاکم عالیه اعضالریله قونتلق وقباحت محكمه لری اعضالری ؛

انتخابات جدوللرینك تدقیق وكالت ومأموریتنی حائز اولان دعوی وکیللری؛ انغلیقان وقولیک کلیسالری اعضالری ؛

جنایت محكمه لری طرفندن مجازاته محكوم ویاخود وطن خائنی اولدقلرینه قناعت حاصل اولانلر ؛

انتخاباته حیلّه وفساد قاریشدیردقلرینه قناعت حاصل ایدیلان نامزدلر ؛  
( قونتلق وقصبه وكوی مأمورلرینك داخل دائرة وظیفه لری اولان محللردن اعضا انتخاب اولملری ده جائز دكلدر . )

۱۶۹۲ تاریخندن اعتباراً طرح اولانان تکالیفی جبات ایدن ویا قبال طرفندن توظیف و ۱۷۰۵ سنه سندن اعتباراً تأسیس ایدیلان وظیفه لرده استخدام قلنان کیسه لر ؛

مأموریت مقابلی اوایه رق حکومندن معاش الانلر ؛ اردوده کی مأمورلر ؛  
Les agents de l'armée ؛ بعض مستشارلردن صرفظرله حکومت متعه دلری .  
لوردلر قارده سی اعضالری عوام قارده سی اعضالغندن اخراج ایدلمشلردر .  
( ایرلاندانی تمیل ایتمین عوام قارده سی اعضالری بیوک بریتانیانك بردارالفنونی طرفندن انتخاب ایدلمش ایسه بونلر مستشاردر . )

شوراسنی ده علاوه ایده لم كه قانون حقوق انتخابیهی حائز اولان هرا نكلیزه عوام قارده نه اعضا اوله بیلمك حقنی اساساً بخش وتأمین ایتش ایسه ده وسعت معیشته مالك اولمیان برکیسه نك پارلمنتویه اعضا اوله بیلمسی پك زیاده مشكلدر .  
لوندرده حییات پك بهالیدر . اعضانك تخصیصاتی اولمدیغندن فقدان ثروت

وکالت ملیہ نیک قبولی مانع اولور . مختلف زمانلرده رادیقال فرقه سی ملت وکیللرینه تخصیصات اعطاسنی طبابتی . ۷ مارت ۱۹۰۶ تاریخنده موسیو (W. H. Lever) ک درمیان وباش وکیل (سیر قامبل بہنرمان) ک ترویج ایستیکی بویله برتکلیف ۲۵۳ رأی اکثریتله مظهر قبول اولمش ایسده لوردلر قارہ سنک اعتراض قطعیمی اوزرینه عقیم قلمشدر .

عوام قارہ سی اعضاسنک یک اسکی بر قانون موجبجه اوچ هیئت محلیه طرفدن انتخاب ایلدیکنی کورمشدک . بو اوچ هیئت قونسلق مجلسلری ، کوی Bourq هیئتلری و دارالفنونلردر . اصلاحات ، انتخابات تاریخی اولان ۱۸۸۴ سنه سندن اول قونسلقلر یتش سکز بیک ، کویلرده قرق بر بیک ایکی یوز نفوس ایچون ، یعنی وسطی اوله رق الی درت بیک ایکی یوز کشی اعتباریله بر مبعوث انتخاب ایدرلر دی . یکی انتخابات قانونی نفوسی اون بش بیکدن از اولان کویلردن مبعوث انتخابی حقی تزع ایتمشدر . عینی قانون نفوسی الی بیکدن اشاغی اولان کویلرک یالکز بر مبعوث انتخاب ایتملری حقی محافظه و نفوسی یوز التمش بش بیکه بالغ ویا بوعددی متجاوز بولن کویلرک هر الی ویا التمش بیک نفوسی ایچون فضله بر مبعوث انتخاب ایتملری حقی وضع ایلمشدر .

قونسلقلر هر بری الی بیک نفوس اعتباریله بر مبعوث انتخاب ایدن برطاقم دواڑه تقسیم ایلمشدر . اصلاحات نتیجه سنده قونسلقلرک اوچ یوز یتش یدی ، کویلرک ایکی یوز سکسان درت و دارالفنونلرک طقوز مبعوث انتخاب ایده جکی اکلشلیدی .

عوام قارہ سنک اتی یوز یتش اعضاسنی انتخاب ایچون اتی یوز قرق اوچ دائره موجوددر .

بو حالده انکاتره قراغندده ، قرعه ایله ایکی مبعوث انتخاب ایدن یکرمی درت کوی و اوچ دارالفنون مستثنای اولماق اوزره ، الی بیک نفوس جدول اوزرینه یازدینی بر مبعوثی انتخاب ایتمکده اولدینی بر قعده اوله رق ذکر اولنه بیلیر .

انتخاب حقی حائز اولماق ایچون یکرمی بر یاشنده اولماق انکاتره دولتی تبعه سندن بولنق و آئیده کی شرائطدن برینه مالک بولندیغنی اثبات ایتمک لازمدور .

(۱) برکوی ویا قونسلقدہ کائن خانہ نیک صاحبی اولماق

ب) (ایک بوز الی فرائق بدل اجاره لی برخانه ویا آپارتمانک برسنه دن بری مستأجری بولدیغنی اثبات ایتک ؛

ج) (کراویرمرزسه بر مأموریت ویا وظیفه اعتباریله فقط عینی خانه ده اقامت ایدن اشخاصک زیر امر و تابعیتده بولنماق شرطیله برمال غیر منقولی اشغال ایله مش بولنق لازمدر . بوحاله سربست خدمت service francise اطلاق اولنور . بوصورت ۱۸۸۴ تاریخی انتخابات قانونه حق انتخابک یالکتر جسیم خانه لرده اقامت ایدن دوائر مهمه مأمورلرینه حصر ایدلیوب ، اشخاصک آیلقلی خدمتکارلرندن ماعدا ، نه قدر کوچوک اولورلرسه اولسونلر بوتون مستخدمینه تشمیلی مقصدیله اختیار اولنشدور .

د) (متصرف ویا مستأجر صفتیله برسنه دن بری ۲۵۰ فرائق ایراد سنوی کترین ابنیه لی ویا ابنیه سز برملکی اشغال ایتش اولمی . بوراده مسکن قیدی ایله حقیقی برمسکن مراد اولنیور . اوزرنده بنا اولمیان هر محل ویا اراضی قانونک آزادینی شرطه داخلدر .

ر) (لونده رسته سی اهالیسندن ویا خود سته ده ویا ۲۵ میل بعد مسافه ده کاش بولنان بر منطقه و محله ده مقیم و سته نک اصناف هیئات ویا جمعیتی اعضاسندن بولنمی . مال غیر منقوله مالکیتدن ویا بر غیر منقولی اشغالدن وارسته اولمق قیدلرینک رأی و انتخاب حق یل چوق دوائر و محلاته بخش ایتدیکی نظردقسه آلتق لازمدر .

کثرت ویا وحدت آرا Vote plural نامی ویریلن بواصول اییه رال فرقه سنک اعتراضات شدید سنی موجب اولمش و صوک مایس آینک ایکیسنده موسیو « له و س جارقور » ک تکلیفی اوزرینه عوام قارده سی طرفدن فیسخ ایدلمش ایسه ده لوردلر قارده سی اصول مذکورده نی محافظه وابقا ایتشدور .

تعداد اولنان شرائطی حائر اولسه لر بیله زیرده تعداد اولنان کیمسه لر انتخاب صلاحیتی حائر دکلدورلر .

اولا ، عدم اهلیت ده طوغریسی قاصریت و محجوریت قانونیه یه دوچار اولانلر یعنی مجنونلر ، ابله لر غیاباً محکوم اولانلر ، شهادت کاذبه ، اعدام ، ارتشا و انتخاباتده جبر و تصدیق اجراسیله محکوم بولانلر ؛

ثانیاً، انتخابات سنہ سنہ مقدم اولان سنہ ایچندہ پاروآس [۱] طرفندن اغانہ آلانلر؛

ثالثاً، انتخابات ائناسندہ ویا انتخاباتدن آلتی آی اول دوائر انتخابیہ نك انتخابات مأموریت موظفہ سندہ بولنالر .

رابعاً، لوردلر قارہ سنك عوام قارہ سی انتخاباتنہ اشتراکری قانوناً منع ایدیلن قرالیت اعضالری Pairs du royaume .



مجالس و مؤسسات ادارہ نك تشکیلاتی تدقیق ایتدی کمز زمان انکلتزده قادینلرک محلی بعض قومیدسیونلرہ انتخاب ایدلک و بونلر ایچون اعضا انتخاب ایتک حقلرینی حائز اولدقلرینی کورده جکیز . «ستوارت میل» ک اچدینی بر مناقشہ شدیدیہ متعاقب سنین اخیرده انتخابات ایچون لازم کلن اوصافی حائز غیر متأهل ویا طول قادینلرک انتخابات سیاسیہ حقنی حائز اولملرینہ دائر انکلتزہ پارلمنتوسندہ برحقو تکلیفات واقع اولمش ایسدهده قادینلرک صرف ایتدکلری غیرتہ رغماً مطالب واقعہ قبول اولنماشدر . خلاصہ انتخاب حقنی حائز اولان صنوفک برینہ داخل اولمیان اہالی پک آزدر . انکلتزہ ، آرای عمومیہ اصولہ کیرمہ مش اولمغلہ برابر اصول حاضرہ بوندن پک اوزاق دکلدز . بوکون انکلتزہده انتخاباتنہ مکلفیت مالیه دکل، مسکن، مأوا اساسدر . بیوک بریتانیا رجالی جمعیتک نخل نظام وانتظامی اولملرندن خوف ایتدکلری کوچہ افرادی انتخاباتنہ اشتراک ایتدیرمہ مک مقصدیلہ مسکن قیدینی انتخابات قانونلرینہ ادخال ایلمشدر .

دارالفنونلرک مبعوث انتخاباتندہ کویلر وقونستقلرہ رقابت ایتدکلرینی سویلہ مشدک . اوقس فورڈ، کمبریج ودویلن دارالفنونلرندن هر بری ایکیشر مبعوث انتخاب ایدرلر . لوندرہ دارالفوننک یالکیز بر وکیل کوندرمکہ حق واردر . غلاسقوو آبردهن دارالفنونلری برلشہرک برمبعوث انتخاب ایدرلر . نڈی بورغ، سن آندرہ دارالفنونلریده بالاتحاد برمبعوث کوندرمک حقنی حائزدرلر .

[۱] انکلتزہ تقسیمات ملکیت سنک ک کوچوک جزوی



انکلیز دارالفنونلرینک تشکیلاتنده برغرابت تحلی ایدر. universités دارالفنونلر هرری تماماً مستقل و نظاماتی ایستدکاری کبی وضع، پک مبذول اولان ثروتی ارزولری وجهایله اداره و برنوع جمهوریت صغیره تشکیل ایدن مکتبلر Collèges دن تشکل ایدرلر. هر دارالفنون université ویکلرجه طلبه سی صنایع نفیسه یه منسوب اساتذه دن مرکب و- Congrégation Convocation عنوانلری حائز مجلسه منقسم بر هیئت مخصوصه Sénat اداره ایتکده در. سهنا مملکتک مشاهیر رجالی آراسدن دارالفنونک مدیر عمومیدنی Chancelier انتخاب ایدر.

دارالفنونلرک پارلمنتوده کی وکیللری مطرط شرائط داخلنده انتخاب اولمازلر. کاه، کبریج و اوکسفورد دارالفنونلرنده اولدینی کبی، صنایع نفیسه معلملری طرفدن کاه، دویلن دارالفنوننده کورلدیکی اوزره، معلم معاونلری و حتی طلبه جانبندن انتخاب اولتورلر.

انکلیزده انتخابات جدوللری فقرا مفتشلری اولوب overseers عنوانی حائز اولان مأمورین طرفدن تنظیم اولتور. رأی ویرمک حقی حائز اولان وطنداشلر تئوزک اوتوز برندن اغستوسک یکرمی بشینه قدر اولان زمان ظرفنده قید اولملری طلب ایدرلر. انتخابات جدوللرینک تنظیم و ترتیبه متعلق مطالب، دائرة انتخابیه نك حدود عدلیه سی داخلنده کی حکامک القدمیلرینک، دعوی وکیللری هیئتک مدت میدده اجرای صنعت ایدن اعضالری میانندن، انتخاب ایستدکاری آوو قاتلر طرفدن revising barristers تدقیق و ایجاب ایدن قرار اعطای اولتور. تدقیق ایله مکلف اولان آوو قاتلر پارلمنتو اعضاساندن و حکومت مأمورلرندن اولیه جقلاری کبی انتخابات جدوللری تدقیق ایستدکاری دوائر انتخابیه نك مبعوثلغه، آرادن بویوک بریتانیاده اون-سکر و ایرلانداده سکرز آی یکمدکجه، انتخاب اولنه مازلر. بونلرک انتخابک جهات مادیه سی حقیقه قرارلری قطعی و جهات قانونیه یه متدائر اولان حکملری دیوان عالی حضورنده قابل استینافدر.

انتخابات عمومیه بوباده صادر اولان امر حکمدارلر اوزرینه اجرا اولتور؛ قسماً انتخابات اجراسی ایچون عوام قماره سی باش کاتبی و یا ریئتمک امری کافیدر.

انتخاباته دائر اوامری اخذ و انتخابات نتایجی همان قید ایستدکن صوکره بونلری اعاده ایدن مهم مأموره قانون Returning officer نامنی ویرمشددر . قونتلقلرده ، قونتلقلرك اجزا و تقسیماتنده و برقونتلقل تشکیل ایدن شهرلرده بومهم مأموریتی شه ریفلر Sheriff طرفندن ایضا ایدرلر . کویلرده عمومیتله بووظیفه بی مدیرلر Maire اجرا ایلرلر . انتخابات زماننك تعیینده قانون بونلری بر درجه مختار براقشددر . مع مافیله منتخبلرك قونتلقلرده طقوز و کویلرده درت کون ظرفنده اجتماع ایتملری شرطدر . انتخاباتك دائره انتخابیه نك هر محلهده عینی زمانده وقوعی ضروری دکلدر .

انکاتره اصول انتخابیه سنده ایکی شق وارددر . انتخابده اختلاف ویا متعدد نامزدلر یوقسه مبعوث nomination نصب صورتیه و متعدد نامزدلرك وجودی حالنده Foll اطلاق ایدیلن رأی خفی اصولیه تعین ایدر . نامزدلك حقننده تثبئات اجرایی نامزد اولان ذاته دکل ، انتخاب ایده جك کیمسه لره راجعدر . هر نامزد اون منتخب طرفندن امضا ایدلش بر بیاننامه ایله خلقه تقدیم اولمق ایجاب ایدر . بواون کشی نك برنجیسی نامزدلكی وضع ایکنجیسی بونی تأیید و سکزی ده قبول ایستکلرینی بیان و تصدیق ایدرلر . ۱۸۷۲ تاریخده قدر انتخاباتده رایك سربست و سالم اولسی حقنده پك آز تأمینات موجود ایدی .

وقتیه ، انتخاباتك اجرا ایدیه جکی یوم معینده لسان عوامده Hustings اطلاق اولتان بر محل مخصوص احضار اولتور و بومحل اوزرینه نامزدلر و مجملری جیقارلردی . اجتماع اچقده ویا عمومی بر سالونده واقع محصور وایسته یین کیدردی . نامزدلر تکلیف و تقدیم اولندقدن صوکره پروگراملرینی ایضاح ایدرلر . بودقیقه دن اعتباراً هوردا ، براوو ندلری ایصلقلاره قاریشه رق تعریفی ، توضیحی مشککل صحنه لر تماشای اولتوردی . نامزدلرك عددی انتخاب اولنه جق مبعوثلرك مقداریتی تجاوز ایتمزایسه انتخابه لزوم قالمق سزین مبعوثلر تعین ایدردی ؛ عکس حالده انتخابات مأموری ال قالدیرتمق صورتیه انتخاباتی اجرا ایلردی .

Hogarth لک رسملرینه بر قیمت ابدیه ویردین بو طرز انتخاب عتیق ۱۸۷۲ تاریخنده نهایت بولمشدر . بوکون انتخابات بلکه دهها آز شاعرانه فقط دهها زیاده منتظم اوله رق جریان ایدیور .



معین اولان کونده مأمور اون انتخابی طرفدن امضا ایدیلان بیاننامه لره نامزدلرک نامزدلرکینی قبول ایدر . نامزدلرک عددی انتخاب اولنه حق بمعونلرک مقداری ایکی کون ظرفده تجاوز ایتدیکی حالد مأمور نامزدلرک انتخاب اولدیفنی اعلان ایدر . عکسی حالد تعیین اولنان کونده انتخابات رأی خفی ایله اجرا اولنور . رأی پوصله لری قانونک تعریف ایتدیکی صورتده تنظیم ایدیلر . هر بر پوصله قوبول دفتردن افراز اولنور . نامزدلرک اسمیسی بر ستونه طبع ایدلمش و هر اسمدن صوکره اچیق بریر بر اقلمشدر .

رأی ویریله جک کونده انتخابی ، انتخابات مأموری Returning officer طرفدن تعیین اولنان قلم رئیسنه مراجعت ایدر . رئیس انتخابجینک شعبه طرفدن تنظیم اولنان دفترده اسمنک مقید اولوب اولدیفنی تدقیق ایتدکن صوکره لیسته یه هرایکی طرفدن کوریه یلن بر تمنا وضع و منتخب نومرو سنی قید و بو نومرو نی لیسته یه ده اشارت ایدر . بعده پوصله یی انتخاب ایدجک ذاته تسلیم ایدر . منتخب قلم او طه سنک قارشیدسنده کی صاونک نهایتده کائن اولان حجره لدن برینه کوروب اوراده بولدیفنی قورشون قلمیله رأی ویرمک ایتدیکی نامزدلرک اسمی یاننده کی محله بر صلیب اشارتی چکر . بومراسمی بعدالایفا پوصله یی قاپیوب رئیسک حضورنده صندوقه آتار .

اوقویوب یازمه مقتدر اولمیانلرک ، علیلرک و انتخابات جمعه ایرتسی کونه تصادف ایش ایه موسویلرک وضع ایده جکلری اشارت لر رئیس طرفدن قید اولنور .

رأیلر ویریلوب بوجمت ختام بولدقن صوکره رئیس صندوق تحمیت و تنظیم ایتدیکی ضبط ورقه لریله برلکده انتخابات مأمورینه ارسال ایدر . بومعاملاتک کافه سی هر نامزدلرک تعیین ایتدیکی وکیللرک تحت مراقبه سنده اجرا اولنور . آنلرک تعدادی وظیفه سی انتخابات مأمورینه عأددر . نامزدلرک حضورنده صندوق کشاد ولیسته لرده کی رأیلر تعداد اولدقدن صوکره انتخاب ایدیلر بیلدیریلر . انکتره قانونلرنده برانتخابک مقبول اولسی ایچون اکثریت مطلقه ویا اقلیت آرا موضوع بحث اولیوب اک زیاده رأی استحصال ایدن نامزدلرک انتخاب اولنور و تجدید انتخابات اصوله هیچ بر زمان مراجعت ایدلمز .

شوراسنی ده ذکر ایدلم که قدیم بر تعامل موجبنه انتخابات اجراسی مقرر اولان کونک عرفه سنده رأی وریله جک شهرک قیشله لرده کی عساکر لاقول ایکی میل بعد مسافیه قدر اوزاقلاشمق وانحق انتخابات ختام بولایف کونک فرداستده عودت مجبوریتده درلر .

ایشته عوام قماره سی اعضاسی انتخاباتک تابع اولدینی صور و مراسم بونلردر . نامزدلر عوام ناسه متینغر واسطه سیله افکار و پروگراملرینی بیلدیررلر . انکایر مجادلات سیاسیه سنده شدت و حرارت اعتباریه غبطه اولنه جق هیج رشی یوقدر . موسیو فرانکوویل دییورکه « انکایزلرده حرصک و حساسیتک مفقودیتدن بحث ایدن همشهرلر حقائق احواله واقف اولملری ایچون انتخابات مجادلاتی تعقیب ایتلرینی اخطار ایدرم . انتخاباتده بولنازلر یالکیز حرص دکل رعشه لر بیله اظهار ایدرلر . برکله ، برطور ، براسم حاضر ونک آلقیشلر ، شدتلی آباق پاتیردیلری ، اوزون و بوغوق خور دانملر رفع ایتسنه سبب اولور . سوز ، خطابت ، مؤثر و مهم ایسه بونک تلقیناتی و الهاماتی حاضر ونی تسخیر ایدر . انکاترده انتخاباته هر کس قاریشیر ، قادیلر بیله انتخابات مجادله لرینه پک مؤثر صورتده یاردیم ایدرلر .

بر نامزدک قاریسنک قوجه سیله برلکده دائره انتخابیه یی دولاشدینی و عندالحاجه کوملکنه ، منسوب اولدقلری فرقه نک علائنه ایلشیدرلر دک متینغرلده سوز سوبلدیکی چوق کره کورلمشدر . مادام غلادستون و « لهدی چورچیل » ک تهاجم خطیبانه لری هر کسک خاطر نشانیدر .

غزته لر پک مبذول اوله رق صرف و توزیع اولتور ، وسائط اعلان و اشتهار تکثر ایدر . بو وسائط الک قیمتداری رسم و تصویردر . پک چوق رسملر الصاق و توزیع اولتور . رسملر آز ویا چوق براعتنا ایله یاییلیر . فقط بورسملر عوام ناسک افکارینک قبول ایدم جکی بر معنای نقل و تصویر ایدم جک صورتده اعمال اولتور . عوام ایجه فرقلردن زیاده رنگلردن آکلار . بورسملر بعضاً پک بویوک بر جسمانته اولور ، کاه بر اؤک ارتفاعی قدر شفاف لوحه لر ، کاه قالدیرملری دولاشان آدملرک طاشیدقلری اعلاننامه لر استعمال ایدیلیلر .

بوندن بشقه انتخاباته حائز حکم و نفوذ اولانلر طرفندن تمیه واحضار اولتور . متعدد جعیترلر شعبات و اقسامه آریله رق مملکتک هریرینه یاییلیرلر .

محافظه کار فرقه‌سی ایچون (محافظه کاران جمعیتانک اتحاد ملی) هیئت  
وارد کرده بوهیت مرکز قومیت‌سی معرفتیه ولایتده کی بش یوز جمعیت ایله  
تماسده بولندینی کی فرقه‌نک اسکی رئیس اولان لورد بیقونسفیلدک ترجیح  
ایتدیکی چیچک اسمندن بالاستعاره Primerose League دینان مشهور  
هیئت جسیمه ایله مناسبته بولور.

انکتره‌نک اصل قادیلرینک بویوک برول اوینادقلری بوجیت جسیمه  
محافظه کار منتخبلی قید وجهه چالیشیر. هر او زیارت ایدلش، هر انتخابی  
طائش و تحت نظارت و اداره آلتمشدر. عمله، اصناف کوبیلر برطاق اجتماعلرده  
برلشدریلوب بوراده قونفرانسلر، موسیقلر استماع و کبارانه اکلنجهلر ترتیب  
اولور.

قونسرواتورلره (محافظه کارلره) تارشی رادیقال ولیبه رالدرک (حریت‌پروورانک) ده  
جمعیتلری وارد. Birmingham liberal association (که بونک روحی  
وقتیه موسیو ژوزف بر منغام تشکیل ایدردی) کذا North-West Man  
chester liberal association، وقادین، ارکک اعضاسی بولسان و مادام  
غلا دستون طرفندن تأسیس اولنان fédération libérale des femmes  
جمعیتلر حریت‌پروورانک در.

عمله سوسیالیست فرقه‌سی Labour party مارکسک تلامیذندن (ایندمان) ده  
تشبث و غیرتی نتیجه‌سنده سوسیال ده موقرات هیئت تشکیل ایتمشدر. بوهیت  
۱۸۸۳ ده Faboian Socitey جمعیتندن افتراق ایله مشدر. سوسیال ده موقرات  
هیئت، فرق سیاسی سوسیالیستک افکار ایله مشبوع قیلمق ایسته‌یور.

پک کوتلی تشکیلات و تسلااته تابع اولان بو مختلف جمعیتلرک آثار  
مساعیسی سایه‌سنده انتخابات حاضرقلری تأمین ایدیلر. بر مملکتده انتخابات،  
منازعات و مجادلاتی نه قدر حرارتلی، شدتلی ایسه آنراک افساد ایدله‌مسی  
تدابیر مؤثره ایله تأمین ایتک لزومی ده اوقدر اعمیتی حائزدر. عوام قارده‌سی  
هیچ بروقت اعضاسنک صلاحیت و وکائی خصوصنده تدقیقات و تحقیقات  
عمومیه ده بولنامشدر. قاعده عمومی، انتخابات مأموری طرفندن اسمی، انتخابی  
آمر اولان ورقه Writ ظهرینه یازیلان نامزدلرک اصول و نظام دأره‌سنده

انتخابنك اجرا ايدلديكى مركززنده ايدى . يالكنز اعتراضات وقوعنده قماره معاملات انتخابيه نك طوغرى جريان ايدوب ايتديكنى تدقيق وحكم ايله مكلف ايدى . تجربه فرققلرك حسيات عادلانه لرى تأمينات كافيه تشكيل ايتديكنى اثبات ايدى . عوام قارمسي بى طرفانه اولمىسده شبه ايديله بيله جك مقررات اتخاذهن صر قنظر ايله مك يعنى اعتراض وقوعى حالنده بر مبعوثك معاملات انتخابيه سنى تدقيق خصوصى صلاحياتى ترك ايتك كى شرف آور بر حركته بولدى وبو امتيازى مملكتك هيئت حاكمه سنه ترك ايتدى .

جمع وتلفيق اولنان ۱۸۶۸ و ۱۸۷۹ تاريخلى قانونلره نظرأ براتخابك صحت ومرعيتى حقهده كى مراجعتلر لوندري ديوان عاليه سنىك ايكي اعضا سندن مركب بر محكمه طرفدن حل وفصل اولنور . بو محكمه مديعاتى تدقيق وتحقيق وشاهدلر ايله علاقه دارانى استماع و بر تفسير قانونى به لزوم كوردلده كيه كيفيتى ديوانه حواله ونهايت اسباب موجب به مستند اوله رق اعطا ايتديكى حكى عوام قارمسي سنه توديع ايلر . محكمه اعضا سنى انتخابك صحت ومرعيتده اختلاف ايدر لسه بو اختلاف انتخاب اولنان مبعوثك لهنه تفسير اولنور .

ديوان على حاكملى بالخاصه ارتشايه عائد اولان اتهاماتى تدقيق ايله اشتغال ايلرلر . رشوت دائما انكلتره ده كى اتخابانده پك مؤلم ومشوم بر رول اوينا مشدر . رشوتى شئون اتخابانندن قالد ريمق ايچون پك چوق تدابير قانونيه به توسل ايدل مشدر . بو تدابير نظر دقتى جلبه لايق اولوب مائى و جزائى يا خود حكى اولق اوزره ايكي قسمه منقسمدر .

واضع قانونك il'egal practices احوال غير مشروعه اطلاق ايتديكى مواد قارشى مجازات شديد وضع اولمشدر . بو مجازات طبيعى تدابيرك زجرى ويا جكمى ديدى كمز قسمه راجعدر . بو احوال مذكوره لك كوچوك تفصيلاتيله تعداد اولمشدر . اچقه ، هديه اشيا ومشروبات توزيعاتى ، نامزدلرك مصارفيله متخبرلرك سىرو سياحتى يالان حوادنلر ، بدخواهانه ومخالف حقيقت اخبارات .. الخ (حتى نامزدلرك مسلك شخصى واحوال خصوصيه سنه تعلق ايتسه بيله ) بو احوال جمله سندن در . اتخابانك افسادينه قارشى وضع اولنان مجازات نقديه ۲۵۰۰ الى ۲۵۰۰۰ فرانكدر . آيرىجه حبس جزا سيدة حكم اولنه بيلير . اتخابان

افساد یا خود کندی منفعته افساد انتخابات ایچون آدملا استعمال ایتمکله محکوم اولان برنامزدیدی سنه حقوق انتخابیه سنی استعمالدن، مبعوث انتخاب اولمقدن و بر مأموریت رسمیه مالک اولمق حقندن محرومدر. رأیلرک صاتون آندینی ثابت اولورسه عوام فاده سی معاملات انتخابیه یی کان لم یکن عد ایتمکله اکتفا ایچوب بویه فنا حاللرک اجرا ایدلرکی دوائر انتخابیه یی معین بر مدت ایچون پارلمنتویه اعضا کوندیرمک حقندن بیه محروم ایتدیکی واقع اولمشدر. بوفلاکت ۱۸۸۲ سنه سنده بوستون، قانتوربه ری، جستر، غلوشر، اوقسفورد، ساندوویج شهرلرینک باشنه کلمشدر.

انتخابات مصارفی بر دائرۀ علادنده تعیین و تسویه ایچون انکتره قانونلرینه برحوق تدابیر غریبه وضع اولمشدر.

انتخاباتک ایجاب ایتدیردیکی تکمیل مصارف، انتخاباته ریاست ایدن مأمورین رسمیه نك اجر تلری ده داخل اوله رق، نامزدلره راجعدر. نامزدلر، صرف شخصلرینه مخصوص اولان و ۲۵۰۰ فرانسی تجاوز ایتمه یی مبالغ مستثنا اولمق اوزره، بالذات و طوغریدن طوغری به هیچ بر مصرفی تسویه ایده میوب نامزدلرک وکیل ویا آدملرینک، electeur auditeur نامی تحتده و صورت مخصوصده تعیین اولنسان برحاکمک و ساطتنه مراجعت و بونکله ائتلاف پیدا ایتملری ایجاب ایدر. نامزدلر وکیل ویا آدملرینک اسملری و محل اقامتلری و اولا انتخابات مأمورینه بیلدیرلر. انتخابات مصارفه متعلق مطالب و مدعیات برآی ایچنده انتخابات مأمورلرینه کوندیرلیر. بوزلده انتخابات مصارفی مبین و مکمل بردفتری electeur auditeur نامی ویرلن انتخابات حاکمته تودیع ایلرلر. بودفتر Returning officer اطلاق اولنسان انتخاباتک مأمور مهمنک نظارت و اداره سی تحتده نشر اولنور.

قانون انتخابات مصارفنک تعرفه سنی و مصارفک نصل طلب و استحصا ل اولته جغنی تعیین و بیان ایتمشدر. تعرفه دن اخراج اولنسان بعض سطرلر زیره نقل اولنور:

کویلر. — داخل دفتر اولان انتخابیلر ایکی بیکدن آز ایسه مجموع مصارفک ۸۷,۵۰۰؛ وایکی بیکدن زیاده ایسه ۹,۵۰۰ فرانسی تجاوز ایتمه سی

شرطدر . انتخابچیلر اوچ بیکی آشار ایسه هر بیک کشی ایچون ۷۵۰ فرانق علاوه اولنور .

ایرلانداده انتخابچیلر بش یوزدن زیاده دکلسه مصارف ۵۰۰۰ فرانقندن زیاده اولماق لازمدر . انتخابچیلر بش یوزایله بیک کشی آراسنده ایسه مصارف ۶۲۵۰ فرانقه بالغ اوله بیلیر . انتخابچیلر بیکدن افزون و بیک بش یوزدن دون ایسه مصارف ۶۸۷۵ فرانقه واصل اولمسنه جواز وارددر .  
قونشقلر . — انتخابچیلرک عددی ۲۰۰۰ دن اشاغی ایسه مصارف مقلنه انکلتزه واسقوجیاده ۱۶۲۵۰ و ایرلانداده ۱۳۵۰۰ فرانقدر . منتخبلر ایکی بیک کشیدن زیاده ایسه مصارف هر بیک انتخابچی ایچون انکلتزه واسقوجیاده ۱۵۰۰ و ایرلانداده بیک فرانق ضم ایدیلرک تزید اولنور .

آرای عمومیله ایله انتخاب اولنان عوام قماره سی اعضاسنک صور انتخابیه سی کوردک . دارالفنونلرده انتخابات دارالفنون مأمورلرینک تحت اداره سنده اجرا اولنور . یالکز دارالفنونلر ایچون مکاتبه طریقله اعطای رأی قانون مستقنا اوله رق قبول ایتشددر . دارالفنونلرده انتخابات شوصورتله اجرا اولنور :  
Returning officer بوم انتخابی تعیین ایدر ایتمز دارالفنونده انتخاب حقنی حائز اولان وطنداش رأیی بر پوصله یه تحریر وامضا ایتک وامضاسنی اقامتکاهی حاکملرندن برینه تصدیق ایتدیرمک ایجاب ایدر . انتخابچی یورای پوصله سنی دارالفنونک ناظر نایسنه Vice Chancellor ایصال و یاخود صندوقه آتمق اوزره بروکیلنه تودیع ایلر .

عوام قماره سی ، speaker یاخود احوال فوق العاده و مراسم مدبده ده رفیقلمی نامه ایراد کلام ایتدیکی ایچون Orateur خطیب نامنی حائز اولان رئیس کنیدیسی انتخاب ایدر .

یکی قماره نك ایلک يوم اجتماعده رئیس انتخاب اولنور . اوقماره نك بوتون



ادوار اجتماعیه سنده عینی ذاتده قالیر . اعضادن ایکی کشی ریاسته نامزد اولان شخصی حکمدار طرفدن منصوب اولان مجلس باش کاتبه بیلدیرلر . ریاست نامزدینک تعیینده اختلاف اولورسه رایه مراجعت اولتور . نتیجه انتخاب حکمدارک تصدیقه اقراران ایتمک ایجاب ایدر . تصدیق حکمداری بی استحصال ایچون رئیس ، انتخابنک فرداسی کونی لوردلر قاره سنده کی محل مخصوصه barr کیدوب « حشمتاً بئزک صادق عوام قاره سی اعضا لری ، اراده حکمدار بلیینه امثال و حقوق مکتبه قطعیله ریئه استناد ایله قاره یه کنیدی بی رئیس انتخاب ایتدکلرندن تصدیق تاجدار بلی بی نیاز ایدرلر » سوزلری بی اراد ایدر .

لوردلر قاره سی رئیس « ذات حکمدارینک قاره طرفدن انتخاب اولان رئیسک حائز اولدی بی درایت و فعالیت سایه سنده حسن ایفای وظیفه یه موافق اوله جغه اعتمادی بولندی بی » بیان و « مقام قرالیتک بخش ایتدی کی صلاحیته استناداً قرالک ، عوام قاره سنک انتخابی تصدیق ایتدی کنی » ایان ایلر .

رئیس سالونک اورته سنده وکنیش برسدیرک اوستده کی قوتوغه اوطورور . رئیس اوزون بر سیاه البسه اکتسا ایدر . باشنده اوزون ساحلر واردر . رئیسک اوکنده کی ماصده مشهور عصا بولنورکه بوعصا مراسم و تشریفات کونلرنده رئیسک اوکندن کیدن چاوشک sergent d'armes اتده بولنور . اعضایی سکوته دعوت ایچون رئیسک چاکی حتی کاغد جدولی بیله یوقدر .

الشدتلی کورولتیلرده اعضانک سکوت وانقیادی ایچون رئیسک ایاغه قالمسی کافیدر . رئیسک دوداقلرندن چیقان الک اوفق واهمیتسر بر سوزی حرمت واطاعت ایله تلقی واونک نفوذ واهمیتی هر وسیله ایله اثبات ایتمک انکتره قاره سنک موجب فخر و شرف اوصاقدندر .

عوام قاره سی رئیس قرالغک الک بویوک مأمورلرندن در . یوزیکرمی بش بیک فرائق معاش آلیر . قوه تشریعیه نک انعقاد ایتدی کی سرای داخنده پک مدبذب و محتشم بردارده سی ده واردر . ریاستی ترک ایتدکدن صوکره لوردلر قاره سی اعضا لغه ارتقا و یوزبیک فرائق تقاعد معاشنه استحقاق کسب ایدر .

عوام قاره سنک اصول مذاکره سی تدقیق ایتدی کمزده مجلسک ایکی نوع اجتماع عقد ایتدی کنی کوره جکر .

برنجی نوع اجتماعه Speaker ریاست ایدر . بواجتماع قماره طرفقدن واقع اولور .

ایکنجی نوع اجتماع مجلسک انتخاب ایتدیکی قومیسسیون طرفقدن عقد ایدیلندرکه بوکا Chairman of Committees ریاست ایدر .

رئیسک غیوبتی حائده رئیس ثانی Vice-président عنوانیه اجرای ریاست ایدن Chairman of Committees رفقاسی طرفقدن انتخاب اولور . بواجتماع تصدیق حکمدارییه عرض اولماز . معاشیه ده ٣٧,٥٠٠ فراقدر .

عوام قماره سنک کاتبلری اعضا میانندن انتخاب ایدملزلر . Clerk اطلاق اولنان مجلس کاتبی برمامور مخصوص اولوب قیدحیات شرطیه حکمدار طرفقدن نصب اولور و ٥٠,٠٠٠ فراق معاش آلیر . مجلس اجتماعاتنک ضبطنامه لرینی تنظیم و مجلس طرفقدن تصدیق اولنان اوراقی امضا ایلر . معینده دها ایکی کاتب وارددرکه بونلر رئیسک تکلیف وانهایسی اوزرینه مجلس طرفقدن تعیین اولورلر . بوایکی کاتبک برنجیسی ٣٧,٥٠٠ ایکنجیسی ٢٥,٠٠٠ فراق معاش آلیر . کاتبلر اکتسا ایتدکلی سیاه البسه واوزون صاچلرله ریاست صندالیه سنک اوکنده کی ماصهده اخذ موقع ایدرلر . مراتب رسمیه یه رعایت کاتبلرک صاچلری رئیسک صاچلری قدر اوزون دکلدلر .

چاوش اردونک بویوک رتبه لی ضابطائی میانندن تفریق اولنوب مجلسک ضابطه وظیفه سی وعصانک محافظه سی ایله مکلفدر . معاشی ٣٨,٠٠٠ فراقدر . شوتقصلاتله انکلتزه قوه تشریعیه سنک تشکیلاتی اکلامش اولورز . فصل آتیده قوه مذکورهنک آثار ومساعدیسی تدقیق ایدیه جکدر .